



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE



Tel: 032 650 022
lok. 105
Fax: 032 650 220

www.opcina-tesanj.ba

E: opcinsko.vijece@opcina-tesanj.ba (Općinsko vijeće)
optesanj@bih.net.ba
optenac@bih.net.ba (Općinski načelnik)

Trg Alije Izetbegovića 11,
74260 Tešanj

Broj: 01-02-1-637-2/11.

Datum: 06.04.2011.godine

Na osnovu člana 14. Statuta Općine Tešanj ("Službeni glasnik Općine Tešanj", broj: 11/07), člana 20. stav 7. Odluke o izvršavanju budžeta Općine Tešanj za 2011. godinu ("Službeni glasnik Općine Tešanj", broj: 10/10) i Budžeta Općine Tešanj za 2011. godinu ("Službeni glasnik Općine Tešanj", broj: 10/10), Općinsko vijeće Tešanj na svojoj 27. sjednici održanoj dana 31.03.2011.godine, donijelo je

ODLUKU
o usvajanju Programa novčanih podsticaja
za unapređenje primarne poljoprivredne proizvodnje
na području općine Tešanj u 2011. godini

Član 1.

Ovom Odlukom usvaja se Program novčanih podsticaja za unapređenje primarne poljoprivredne proizvodnje na području općine Tešanj u 2011. godini.

Član 2.

Program iz člana 1. ove Odluke sastavni je dio ove Odluke.

Član 3.

Za realizaciju ove Odluke zadužuje se Općinski načelnik i nadležna općinska Služba koja će sva planirana sredstva isplatiti korisnicima, koja se utvrđuju u okvirnom iznosu prema Programu, a proporcionalno će se uvećati ili umanjiti, u zavisnosti od broja odobrenih zahtjeva na kraju godine.

Član 4.

Ova Odluka stupa na snagu narednog dana od dana objavljivanja u "Službenom glasniku Općine Tešanj".

DOSTAVLJENO:

1. Općinski načelnik,
2. Služba za finansije i ekonomiju,
3. Općinsko vijeće,
4. a/a

PREDSJEDA VAJUĆI VIJEĆA

Esmir Subašić

PROGRAM

novčanih podsticaja za unapređenje primarne poljoprivredne proizvodnje na području općine Tešanj u 2011. godini

1. UVOD

Programom novčanih podsticaja za unapređenje primarne poljoprivredne proizvodnje, Općina Tešanj namjerava osnažiti poljoprivredne proizvođače i učvrstiti lanac koji povezuje proizvodnju, preradu i plasman poljoprivrednih proizvoda. Pored ovog cilja postoje i drugi specifični ciljevi Programa podsticaja:

- stvaranje porodičnih gazdinstava,
- stvaranje tržišno orjentisanih proizvođača,
- intenziviranje postojeće poljoprivredne proizvodnje,
- povećanje obradivih površina,
- smanjenje stope nezaposlenosti,
- ruralni razvoj i dr.

Na osnovu člana 20. stav 7. Odluke o izvršavanju budžeta za 2011. godinu, pristupilo se izradi Programa pri čemu su uzeti u obzir pokazatelji koji utiču na poljoprivrednu proizvodnju, vlastita iskustva u primjeni novčanih podsticaja te iskustva u razvoju poljoprivrede i sela iz drugih općina BiH.

Nakon usvajanja Programa podsticaja Služba za finansije i ekonomiju će putem općinskih ureda, mjesnih zajednica i sredstava javnog informisanja, obavijestiti poljoprivrednike o podsticajnim mjerama, kao i o kriterijima koji moraju biti ispunjeni da bi podsticajna sredstva bila odobrena.

2. OPŠTE ODREDBE

Program podsticaja podrazumijeva jednokratne isplate a za realizaciju navedenog Programa obezbjeđena su budžetom za 2011. godinu sredstva u visini od 282.500 KM.

Program utroška sredstava za podsticaj:

- 90 % sredstava za podsticaj poljoprivrednoj proizvodnji (biljna i animalna),
- do 3 % sredstava (max. 8.475 KM) biće utrošeno na troškove naknade za rad članova komisije za općinski podsticaj i troškove edukacije poljoprivrednih proizvođača, po posebnom programu,
- do 3% od planiranih sredstava (max. 8.475 KM) biće utrošeno za podršku poljoprivrednim udruženjima sa područja općine Tešanj koja su svojim aktivnostima doprinjela unapređenju otkupa poljoprivrednih proizvoda.
- do 4% (max. 11.300 KM) za regresiranje kamata na kredite iz 2011.godine za početak vlastitog biznisa u poljoprivredi na području općine, isključivo za oblasti koje nisu obuhvaćene ovim Programom poticaja, npr. peradarstvo, proizvodnja konzumnih jaja i sl.

Maksimalan iznos podsticaja koji može dobiti jedan podnosilac zahtjeva po osnovu jednog ili više vidova podsticaja je 2.000 KM.

U slučaju da podneseni zahtjevi znatno premašuju za ove svrhe planirana sredstva, visina podsticaja može biti i manja, zavisno od broja odobrenih zahtjeva.

Pravo na dobijanje podsticajnih sredstava u skladu sa Programom mogu ostvariti slijedeći korisnici:

1. sva porodična poljoprivredna gazdinstva na području Općine Tešanj koja su podnijela zahtjev za upis u Registar poljoprivrednih gazdinstava (RPG), i koja ostvaruju poljoprivrednu proizvodnju na području općine Tešanj,
2. koji blagovremeno, u roku propisanim Programom podnesu zahtjev za poticaj sa potrebnom dokumentacijom i ispune sve propisane kriterije,
3. koji zahtjev za više vidova proizvodnje podnesu na ime nosioca porodičnog poljoprivrednog gazdinstva,
4. podsticaj za mlade poljoprivredne proizvođače u visini od 30% na odobreni podsticaj iz tačke 1. može ostvariti podnosilac zahtjeva ako je starosti do 35 godina i na evidenciji nezaposlenih neprekidno najmanje 5 godina.

Sa podnošenjem zahtjeva se počinje petnaest dana nakon usvajanja Programa podsticaja od strane Općinskog vijeća Tešanj i traje do rokova naznačenih za svaku vrstu poljoprivredne proizvodnje posebno. Podnošenje zahtjeva će se vršiti putem šaltera za prijem podnesaka, gdje će podnosioci zahtjeva popuniti Prijavni list u kome će pored podataka: ime i prezime, mjesto stanovanja/prebivališta, telefon, JMB i broj tekućeg računa banke, biti tačno naznačena vrsta proizvodnje za koju se podnosi zahtjev uz koji će prilagati i ostale dokumente navedene u Programu podsticaja za svaku proizvodnju posebno a za mlade aplikante i uvjerenje da su na evidenciji nezaposlenih.

Ispunjenost kriterija u svakom pojedinačnom slučaju će utvrđivati Komisija za podsticaje imenovana od strane Općinskog načelnika, utvrđivanjem činjeničnog stanja na terenu o čemu će sastavljati zapisnik. Na osnovu zapisnika iz kojih mora biti vidljivo da li su ispunjeni svi potrebni kriteriji i izvještaja Komisija, na kraju godine sačinjava se prijedlog rješenja o isplati sa spiskom korisnika i iznosima ostvarenih poticajnih sredstava, u slučajevima gdje su svi kriteriji ispunjeni kumulativno. U slučajevima gdje je zapisnikom Komisije za podsticaje utvrđeno da podnosilac zahtjeva nije ispunio jedan ili više kriterija, taj zahtjev se ne odobrava i vrši se njegovo arhiviranje i pismeno obavještanje podnosioca zahtjeva. Ponovno podnošenje zahtjeva za istu poljoprivrednu proizvodnju neće biti razmatrano od strane Službe za finansije i ekonomiju. Isplata podsticajnih sredstava će se vršiti na tekući račun otvoren kod poslovnih banaka.

Kontrolu realizacije podsticajnih mjera i procjenu rezultata kontinuirano će vršiti Pomoćnik Općinskog načelnika iz Službe za finansije i ekonomiju Općine Tešanj s ciljem da se utvrdi dokle se došlo sa sprovođenjem zacrtanih aktivnosti i o tome po potrebi izvještavati Općinskog načelnika i Općinsko vijeće.

Ukoliko se u realizaciji Programa podsticaja identifikuju podnosioci zahtjeva za podsticaje koji pokušavaju prevariti ili dovesti u zabludu Komisiju za podsticaje pružanjem netačnih podataka ti podnosioci zahtjeva će biti isključeni iz Programa podsticaja za narednih pet godina.

Pravo na podsticajna sredstva na osnovu Programa podsticaja ne mogu ostvariti članovi Komisije za podsticaje. Članovi komisije za svoj rad u Komisiji za podsticaje ostvaruju pravo na naknadu.

2. STRUKTURA/OBUHVAT PROGRAMA PODSTICAJA

3.1. ODRŽAVANJE ZASNOVANIH VOĆNJAKA

Kriteriji koje mora ispuniti podnosilac zahtjeva za dobijanje novčane naknade na ime podsticaja za održavanje zasnovanih voćnjaka su:

- da je voćnjak zasnovan 2009. godine i kasnije, na površini minimalno 0,3 hektara,
- da je voćnjak u funkciji proizvodnje (procjena Komisije na licu mjesta),
- krajnji rok za podnošenje zahtjeva je 30. 06. 2011. godine.

Visina podsticaja, zavisno od broja voćnih sadnica iznosi: do 500 sadnica - 230KM, od 500 do 1000 sadnica - 260 KM, od 1000 –2000 sadnica - 270 KM i preko 2000 sadnica- 290 KM.

Visina podsticaja može biti i manja, zavisno od broja odobrenih zahtjeva.

AKTIVNOSTI I PROCEDURE

Služba za finansije i ekonomiju će pomoći podnosiocu zahtjeva u dostavi zahtjeva Komisiji za podsticaje za svakog podnosioca zahtjeva ponaosob. Uz zahtjev za podsticaj podnosilac zahtjeva će dostaviti:

- a. Kopiju katastarskog plana, ne stariju od dvije godine,
- b. Ugovor o zakupu zemljišta ukoliko proizvođač koristi zemljište pod zakup ili ovjerenu izjavu ukoliko je zemljište ustupljeno bez naknade na min. 10 godina, (original ili ovjerena kopija),
- c. Izjavu o zajedničkom domaćinstvu,
- d. Potvrdu o predaji zahtjeva za upis u RPG,
- e. Fotokopiju kartice broja bankovnog računa.

3.2. PROIZVODNJA U PLASTENICIMA/STAKLENICIMA

Kriteriji koje mora ispuniti podnosilac zahtjeva za dobijanje novčane naknade na ime podsticaja zasnovane proizvodnje u plasteniku/stakleniku su:

- ukupna površina mora biti najmanje 240 m²,
- moraju biti obezbjeđeni sa sistemom za navodnjavanje i otvorima za prozračivanje,
- moraju biti metalne ili plastične konstrukcije, minimalne visine na najvišem dijelu 2m,
- mora biti zasnovana proizvodnja,
- krajnji rok za podnošenje zahtjeva za dobijanje novčane naknade na ime podsticaja je 01.10.2011. godine.

Visina podsticaja za proizvodnju u plasteniku/stakleniku je 2 KM/m².

Visina podsticaja može biti i manja, zavisno od broja odobrenih zahtjeva.

AKTIVNOSTI I PROCEDURE

Služba će pomoći podnosiocu zahtjeva u dostavi zahtjeva Komisiji za podsticaje za svakog podnosioca zahtjeva ponaosob. Uz zahtjev za podsticaj, podnosilac zahtjeva će dostaviti slijedeću dokumentaciju:

- a. Kopiju katastarskog plana, ne stariju od dvije godine,
- b. Ugovor o zakupu zemljišta ukoliko proizvođač koristi zemljište pod zakup ili ovjerenu izjavu ukoliko je zemljište ustupljeno bez naknade na minimalno 3 godine, (original ili ovjerena kopija),
- c. Izjavu o zajedničkom domaćinstvu,
- d. Potvrdu o predaji zahtjeva za upis u RPG,
- e. Fotokopiju kartice broja bankovnog računa.

3.3. PROIZVODNJA POVRĆA NA OTVORENOM

Kriteriji koje mora ispuniti podnosilac zahtjeva za dobijanje novčane naknade na ime podsticaja za proizvodnju povrća na otvorenom su:

- minimalna zasijana (zasađena) površina je 0,3 ha, na jednoj parceli, odnosno da je ukupna zasnovana proizvodnja povrća na maksimalno dvije parcele,
- sjetva se obavlja u skladu sa agrotehničkim rokovima i standardnom agrotehnikom,
- krajnji rok za podnošenje zahtjeva za dobijanje novčane naknade na ime podsticaja je 01.09.2011. godine.

Visina podsticaja za proizvodnju povrća na otvorenom je 100 KM/dunumu.

Visina podsticaja može biti i manja, zavisno od broja odobrenih zahtjeva.

AKTIVNOSTI I PROCEDURE

Služba će pomoći podnosiocu zahtjeva u dostavi zahtjeva Komisiji za podsticaje za svakog podnosioca zahtjeva ponaosob. Uz zahtjev za podsticaje podnosilac zahtjeva će dostaviti slijedeću dokumentaciju:

- a. Kopiju katastarskog plana, ne stariju od dvije godine,
- b. Ugovor o zakupu zemljišta ukoliko proizvođač koristi zemljište pod zakup ili ovjerenu izjavu ukoliko je poljoprivredno zemljište ustupljeno bez naknade, (original ili ovjerena kopija),
- c. Izjavu o zajedničkom domaćinstvu,
- d. Potvrdu o predaji zahtjeva za upis u RPG,
- e. Fotokopiju kartice broja bankovnog računa.

3.4. PROIZVODNJA POVRĆA ZA OTKUP

Kriteriji koje mora ispuniti podnosilac zahtjeva za dobijanje novčane naknade na ime podsticaja za proizvodnju povrća za otkup su:

- da proizvede i registrovanom otkuplivaču preda najmanje dvije tone povrća kornišona, paprika, paradajza, mrkve, luka.

- da ima zasnovanu proizvodnju povrća na otvorenom na maksimalno dvije parcele, i da za istu nije podnio zahtjev za poticaj proizvodnji povrća na otvorenom,
- da od zasnovane proizvodnje povrća može ostvariti odgovarajući prinos, što utvrđuje komisija na zapisnik,
- da ima sklopljen ugovor o otkupu povrća sa registrovanim otkupljivačem/prerađivačem,
- zahtjevi za dobijanje novčane naknade na ime podsticaja se podnose do 01.08.2011. godine, a krajnji rok za dopunu zahtjeva odnosno dostavu dokaza o predatoj količini povrća otkupljivaču je 01.11.2011.godine.

Visina podsticaja za proizvodnju povrća iznosi 0,10 KM/kg.

Visina podsticaja može biti i manja, zavisno od broja odobrenih zahtjeva.

AKTIVNOSTI I PROCEDURE

Služba će pomoći podnosiocu zahtjeva u dostavi zahtjeva Komisiji za podsticaje za svakog podnosioca zahtjeva ponaosob. Uz zahtjev za podsticaje podnosilac zahtjeva će dostaviti slijedeću dokumentaciju:

- Kopiju katastarskog plana, ne stariju od dvije godine,
- Ugovor o zakupu zemljišta ukoliko proizvođač koristi zemljište pod zakup ili ovjerenu izjavu ukoliko je poljoprivredno zemljište ustupljeno bez naknade, (original ili ovjerena kopija),
- Račun ili prijemni list ili otkupni list, odnosno ovjerene kopije istih o predatoj količini povrća registrovanom otkupljivaču,
- Ugovor o otkupu povrća sklopljen sa registrovanim otkupljivačem/prerađivačem,
- Izjavu o zajedničkom domaćinstvu,
- Potvrdu o predaji zahtjeva za upis u RPG,
- Fotokopiju kartice broja bankovnog računa.

3.5. PROIZVODNJA PŠENICE

Kriteriji koje mora ispuniti podnosilac zahtjeva za dobijanje novčane naknade na ime podsticaja za pšenicu (sjetva u jesen 2010. godine) su:

- minimalna površina zasijana pšenicom je 1 hektar, na jednoj ili max. dvije parcele,
- sjetva obavljena u skladu sa agrotehničkim rokovima i standardnom agrotehnikom,
- rok za podnošenje zahtjeva za dobijanje novčane naknade na ime podsticaja za pšenicu je 31.05.2011. godine.

Visina podsticaja je 300,00 KM/ha.

Visina podsticaja može biti i manja, zavisno od broja odobrenih zahtjeva.

AKTIVNOSTI I PROCEDURE

Služba će pomoći podnosiocu zahtjeva u dostavi zahtjeva Komisiji za podsticaje za svakog podnosioca zahtjeva ponaosob. Uz zahtjev za podsticaje podnosilac zahtjeva će dostaviti slijedeću dokumentaciju:

- Kopiju katastarskog plana, ne stariju od dvije godine
- Ugovor o zakupu zemljišta ukoliko proizvođač koristi zemljište pod zakup, ili ovjerenu izjavu ukoliko je poljoprivredno zemljište ustupljeno bez naknade, (original ili ovjerena kopija),
- Izjavu o zajedničkom domaćinstvu,
- Potvrdu o predaji zahtjeva za upis u RPG,
- Fotokopiju kartice broja bankovnog računa.

3.6. PROIZVODNJA MLJEKA

Kriteriji koje mora ispuniti podnosilac zahtjeva za dobijanje novčane naknade na ime podsticaja za proizvodnju mlijeka su:

- da podnosilac zahtjeva posjeduje minimalno tri muzne krave koje moraju biti obilježene ušnom markicom i sa mliječnim kartonom (utvrđuje Komisija na licu mjesta),
- da ima sklopljen ugovor za tekuću godinu o otkupu mlijeka sa registrovanim otkupljivačem/udruženjem, odnosno prerađivačem mlijeka,

- krajnji rok za podnošenje zahtjeva za dobijanje novčane naknade na ime podsticaja je 15.09.2011. godine.

Visina poticaja je 400,00 KM za 3 muzne krave, a za svaku slijedeću muznu kravu 150 KM.
Visina podsticaja može biti i manja, zavisno od broja odobrenih zahtjeva.

AKTIVNOSTI I PROCEDURE

Služba će pomoći podnosiocu zahtjeva u dostavi zahtjeva Komisiji za podsticaje za svakog podnosioca zahtjeva ponaosob. Uz zahtjev za podsticaje podnosilac zahtjeva će dostaviti:

- a. Kopiju katastarskog plana parcele na kojoj se nalazi farma (bez obzira na uplanjenje), ne stariju od dvije godine,
- b. Ugovor o zakupu farme ukoliko proizvođač koristi farmu pod zakup ili ovjerenu izjavu ukoliko je farma ustupljena bez naknade (orginal ili ovjerena kopija),
- c. Kopiju ugovora o otkupu mlijeka sklopljenog sa udruženjem ili mljekarom,
- d. Izjavu o zajedničkom domaćinstvu,
- e. Potvrdu o predaji zahtjeva za upis u RPG,
- f. Fotokopiju kartice broja bankovnog računa.

3.7. TOV JUNADI

Kriteriji koje mora ispuniti podnosilac zahtjeva za dobijanje novčane naknade na ime podsticaja za tov junadi su:

- da podnosilac zahtjeva posjeduje u tovu minimum 3 muška grla obilježena ušnom markicom,
- da grla imaju min. početnu težinu 200 kg (na dan podnošenja zahtjeva) i težinu na kraju tova minimalno 450 kilograma, što će utvrditi komisija metodom mjerenja obima ili vaganjem ako proizvođač obezbijedi stočnu vagu,
- da grla provedu u tovu minimalno pet mjeseci,
- krajnji rok za podnošenje zahtjeva za dobijanje novčane naknade na ime podsticaja je 31.05.2011.godine.

Visina podsticaja je 400,00 KM za tri grla, a za svako slijedeće grlo u tovu 150 KM.
Visina podsticaja može biti i manja, zavisno od broja odobrenih zahtjeva.

AKTIVNOSTI I PROCEDURE

Služba će pomoći podnosiocu zahtjeva u dostavi zahtjeva Komisiji za podsticaje za svakog podnosioca zahtjeva ponaosob. Samo jedno fizičko lice na jednoj katastarskoj čestici može podnositi zahtjeve za podsticaje za tov. Uz zahtjev za podsticaje podnosilac zahtjeva će dostaviti slijedeću dokumentaciju:

- a. Kopiju katastarskog plana parcele na kojoj se nalazi farma (bez obzira na uplanjenje), stariju od dvije godine,
- b. Ugovor o zakupu farme ukoliko proizvođač koristi farmu pod zakup ili ovjerenu izjavu ukoliko je farma ustupljena bez naknade (orginal ili ovjerena kopija),
- c. Ovjerenu izjavu sa tačnim brojem grla u tovu i brojem ušne markice za svako grlo,
- d. Izjavu o zajedničkom domaćinstvu,
- e. Potvrdu o predaji zahtjeva za upis u RPG,
- f. Fotokopiju kartice broja bankovnog računa.

3.8. PČELARSTVO

Kriteriji koje mora ispuniti podnosilac zahtjeva za dobijanje novčane naknade na ime podsticaja za pčelarstvo su:

- da podnosilac zahtjeva posjeduje minimum 35 košnica,
- da registrovana Udruženja pčelara Općine Tešanj pismeno potvrde da je podnosilac zahtjeva pčelar koji svoju djelatnost obavlja na području Općine Tešanj sa tačno naznačenim brojem košnica koje posjeduje u vlasništvu,

- krajnji rok za podnošenje zahtjeva za dobijanje novčane naknade na ime podsticaja je 01.09.2011. godine.

Visina podsticaja je 10 KM po jednoj košnici.

Visina podsticaja može biti i manja, zavisno od broja odobrenih zahtjeva.

AKTIVNOSTI I PROCEDURE

Služba će pomoći podnosiocu zahtjeva u dostavi zahtjeva Komisiji za podsticaje za svakog podnosioca zahtjeva ponaosob. Uz zahtjev za podsticaje podnosilac zahtjeva će dostaviti slijedeću dokumentaciju:

- a. Kopiju katastarskog plana parcele na kojoj se nalaze košnice, ne stariju od dvije godine,
- b. Ugovor o zakupu zemljišta ukoliko proizvođač koristi zemljište pod zakup ili ovjerenu izjavu ukoliko je poljoprivredno zemljište ustupljeno bez naknade (orginal ili ovjerena kopija),
- c. Originalnu potvrdu izdatu od strane Udruženja pčelara kojom se potvrđuje da je podnosilac zahtjeva pčelar,
- d. Izjavu o zajedničkom domaćinstvu,
- e. Potvrdu o predaji zahtjeva za upis u RPG,
- f. Fotokopiju kartice broja bankovnog računa.

3.9. PROIZVODNJA VOĆA ZA OTKUP (JABUČASTOG I KOŠTIČAVOG)

Kriteriji koje mora ispuniti podnosilac zahtjeva za dobijanje novčane naknade na ime podsticaja za proizvodnju voća za otkup su:

- da podnosilac zahtjeva proizvede i preda registrovanom otkupljivaču/prerađivaču najmanje 1 tonu voća u svježem stanju,
- da ima sklopljen ugovor o otkupu voća sa registrovanim otkupljivačem/prerađivačem,
- da ima zasnovanu proizvodnju voća odnosno voćnjak sa kojeg može ostvariti odgovarajući prinos (da 7 dana prije berbe podnese zahtjev za izlazak Komisije),
- krajnji rok za podnošenje zahtjeva za dobijanje novčane naknade na ime podsticaja je 01.11.2011. godine.

Visina podsticaja je 0,20 KM /kg.

Visina podsticaja može biti i manja, zavisno od broja odobrenih zahtjeva.

AKTIVNOSTI I PROCEDURE

Služba će pomoći podnosiocu zahtjeva u dostavi zahtjeva Komisiji za podsticaje za svakog podnosioca zahtjeva ponaosob. Uz zahtjev za podsticaje podnosilac zahtjeva će dostaviti:

- a. Kopiju katastarskog plana parcele na kojoj je zasnovan voćnjak, ne stariju od dvije godine,
- b. Ugovor o zakupu zemljišta ukoliko proizvođač koristi zemljište pod zakup ili ovjerenu izjavu ukoliko je poljoprivredno zemljište ustupljeno bez naknade (orginal ili ovjerena kopija)
- c. Račun ili prijemni list ili otkupni list, odnosno ovjerene kopije istih o predatoj količini voća registrovanom otkupljivaču/prerađivaču,
- d. Ugovor o otkupu voća sa registrovanim otkupljivačem/prerađivačem,
- e. Izjavu o zajedničkom domaćinstvu,
- f. Potvrdu o predaji zahtjeva za upis u RPG,
- g. Fotokopiju kartice broja bankovnog računa.

4. PODRŠKA UDRUŽENJIMA POLJOPRIVREDNIKA

Kriteriji koje mora ispuniti udruženje poljoprivrednika registrovano sa sjedištem na općini Tešanj za dobijanje novčane podrške za unapređenje otkupa poljoprivrednih proizvoda na području općine Tešanj su:

- da je u 2011 godini realizovalo projekat organizovanog otkupa novog poljoprivrednog proizvoda odnosno proizvoda koji nema ugovoren otkup (voće, med, povrće osim kornišona i dr.),
- da je udruženje podnijelo zahtjev za upis u RPG, RK,

- krajnji rok za podnošenje zahtjeva za dobijanje novčane naknade na ime podrške za realizovane aktivnosti je 15.11.2011.godine.

Visina podsticaja će se određivati u skladu sa raspoloživim sredstvima i brojem korisnika programa (veći broj korisnika, veći iznos) a zavisno od broja zahtjeva.

Maksimalan iznos koji može ostvariti jedno udruženje je 5.000 KM.

AKTIVNOSTI I PROCEDURE

Uz zahtjev za podsticaj podnosilac zahtjeva (udruženje) će dostaviti:

- projekat/program otkupa,
- izvještaj o realizaciji projekta/programa,
- kopije ugovora korisnika programa,
- fotokopija broja žiro računa udruženja.

5. ODRŽIVOST I UTICAJ NA RAZVOJ OPĆINE

Analizirajući Izvještaj o realizaciji novčanih podsticaja u primarnoj poljoprivrednoj proizvodnji za 2009. godinu kao i upoređujući isti sa realizacijom novčanih podsticaja u 2010. godini, evidentno je povećanje broja korisnika poticajnih sredstava kao i povećanje obima određenih vidova proizvodnje što jeste i jedan od ciljeva Programa.